

U B431 DEB
MAHATHIR - MALE 1984
OLEH SYED JAMIL JAAFAR

MALE, 11 NOV. (BERNAMA) -- BERIBU-RIBU ORANG RAKYAT MALDIVES BERSESAK-SESAK DI BEBERAPA BATANG JALANRAYA IBUNEGARA ITU UNTUK MENYAMBUT PERAYAAN HARI REPUBLIK SERTA PERASMIAN MASJID AL-SULTAN MUHAMAD THAKURUTAAN AL-A' ZAM DAN PUSAT ISLAM.

WALAUPUN HUJAN TURUN DENGAN LEBAT DAN KEBANYAKAN JALANRAYA DIEANJIRI AIR, IA TIDAK MENGHALANG MEREKA KELUAR BERAMAI-RAMAI UNTUK MERAYAKAN HARI TERSEBUT.

JALANRAYA DIHIASI INDAH DENGAN PINTU GERBANG, BENDERA DAN KAIN RENTANG YANG MENYAMBUT KEDATANGAN PEMIMPINDARI SEPULUH BUAH NEGARA TERMASUK TETAMU KHAS DATUK SRI DR. MAHATHIR.

SEBAGIAN DARIPADA KAIN RENTANG ITU TERTULIS, + KAMI MENGUCAPKAN KEMAKMURAN, KEMAJUAN DAN KEAMANAN KEPADA MALAYSIA+ DAN + MALAYSIA-MALDIVES BERSAUDARA DALAM ISLAM +.

DATUK SRI DR. MAHATHIR DIBERI PENGHORMATAN UTAMA BERUCAP KEPADA ORANG RAMAI SEBELUM UCAPAN PRESIDEN MALDIVES.

MENURUT PARA PEGAWAI KEMENTERIAN LUAR MALDIVES, PENGHORMATAN YANG DIBERI ADALAH UNTUK MENGENANG JASA PERDANA MENTERI YANG MEMBERI PERHATIAN KEPADA, NEGARA-NEGARA MEMBANGUN YANG KECIL DAN MINATNYA TERHADAP PERPADUAN ISLAM.

MALAYSIA DIANGGAP SEBAGAI RAKAN ISTIMEWA DAN DI KALANGAN RAKYAT DI SINI, NAMA DATUK SRI DR. MAHATHIR MEMANG DIKENALI.

MAHATHIR - MALE 2 MALE
PRESIDEN MAUMOONGAYOOM MERAKAMKAN + PENGHARGAAN ISTIMEWA TERHUTANG BUDINYA+ KEPADA DATUK SRI DR. MAHATHIR KERANA MINATNYA TERHADAP PROJEK PEMBINAAN MASJID ITU.

PEMBINAAN KOMPLEKS YANG BERMULA DUA TAHUN LALU TELAH MENGHASILKAN BEBERAPA PENCAPAIAN+PERTAMA+ BAGI MALAYSIA.

KOMPLEKS YANG PERTAMA DIKENDALIKAN OLEH RAKYAT MALAYSIA ITU ADALAH JUGA MASJID TERAPUNG PERTAMA DIBINA DI ATAS KONKRIT SETINGGI DUA METER.

MENURUT AKITEK HAJDEER, PERMOHONAN TELAH DIBUAT UNTUK MEMASUKKAN PENCAPAIAN KOMPLEKS ITU SEBAGAI BANGUNAN TERBESAR DI TENGAH-TENGAH LAUTAN HINDI YANG DIBINA OLEH MANUSIA DI DALAM+GUINNESS BOOK OF RECORDS+.

KOMPLEKS SELUAS 6,750 METER PERSEGI ITU TERLETAK DI KAWASAN DUA KILOMETER PERSEGI PULAU ITU. DEWAN UTAMANYA BOLEH MEMUATKAN KIRA-KIR 4,500 ORANG. -- BERNAMA.

2022MST 11 11 8 4